



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 38. Maria Vidua Hungariæ Regina fatis functa.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

Sæcul XVI. ret. Ceterum præfati Joannis Mater
A.C. 1558. erat Barbara Blumbergia. (*)

§. XXXVIII.

*Maria Vidua Hungariæ Regina fati
 functa.*

*Thuan. l. 21.
 Hilarion de
 Cofse elog.
 des femmes
 illustr. Bel-
 car. comm.*

Porro Caroli V. obitum mox Mariæ Sororis, ac Hungariæ Reginae, eidem in paucis caræ mors sequebatur. Nata hæc erat Bruxellis Anno Christi millesimo quingentesimo tertio die decima tertia Septembris, ac Ludovico Jagelloni Hungariæ Regi, qui in Mohacensi prælio Anno Domini millesimo quingentesimo vigesimo sexto occisus fuit, Anno millesimo quingentesimo vigesimo primo nupserat. Hujus obitu Maria ejus conjux tam intimo afficiebatur dolore, ut licet a pluribus Principibus in conjugem peteretur, constanter tamen secundas nuptias recusaret. Præficiēbatur ergo a Carolo V. Fratrem suo Belgii administrationi, quod munus Anno Christi millesimo

(*) Burcardus Gotthelfius Struvius in suo Corpore Historiæ Germanicæ tom. 2. sect. 4. period. 10. inquit: *Non desunt, qui Joannem Austriacum non ex Barbara, sed ex longe illustriori, ac plane Principe femina procreatum fuisse dicant, ita Strada, & Bayle.*

lesimo quingentesimo trigesimo primo in se suscepit; Princeps enim erat tam ad animos sibi durante pace conciliandos, quam tempore belli ad ducendos exercitus peridonea. Eadem quoque, cum Francia Imperium bello invaderet, Folembratum, regium Palatium a Francisco I. erectum incendi iusserat: quapropter temporis progressu Henricus II. vicissim Mariaburgum incendit, quod ipsa quod venationum commoditates celebratum construi curabat, atque summis in delitiis habebat. Ceterum eadem ob suam prudentiam maximum totius populi amorem sibi conciliabat, rerumque summæ per viginti quatuor annos præerat usque ad vigesimam quintam Octobris diem Anni supra millesimum quingentesimi quinquagesimi quinti, quo, seu ineunte Anno Salutis nostræ millesimo quingentesimo quinquagesimo sexto in Hispaniam contendit, ubi etiam die decima octava Octobris hoc Anno Salvatoris nostri millesimo quingentesimo quinquagesimo octavo extremum diem clausit, postquam nequidem integrum Mensem Cæsari Fratri suo vita superstes fuerat. Tum iter parabat in Flandriam, ubi redux reliquos vitæ suæ dies transigere decreverat. De prædicatur plurimum hujus Reginæ pudicitia,

Hist. Eccles. Tom. XLIII.

F

citia,

Sæcul. XVI.

A. C. 1558.

Sæcul. XVI
A. C. 1558.

citia, quamvis Galli, (*) qui eidem infensi erant, calumniosis dictariis, compositisque cantilenis ipsius honorem proscindere non erubuerint.

§. XXXIX.

Herbipolensis Episcopus a Sicariis occisus.

Thuan. l. 21.
num. 3.
Spond. ad
hunc an.
num. 13.

Septima post Caroli V. obitum die decima sexta Februarii, ut censent nonnulli, vel juxta alios decima quinta Aprilis die Melchior Zobelius, qui Herbipoli

(*) Forte Continuator hæc adeo ingenue fatebatur, ut etiam sibi sua dictaria, quæ in Carolum V. effuderat, facilius ignoscenda arbitraretur: haud tamen ingratum erit ipsius etiam Thuani testimonium hac super re percipere: Hæc Regina, inquit, *cum pudicitia accerrima vindex tota vita fuerit, a Gallis tamen dictariis, Et militari lascivia compositis cantilenis falso insimulata fuit, quasi cum Barbarosono formoso admodum viro, sed in quo virtus, ac fides plus forma pollebant, consuesceret, tam ab hoc crimine abhorrens, ut nunquam a Cesare exorari potuerit, ut cuidam ex primaria nobilitate juveni, fratri percaro, qui unam ex domesticis ipsius Virginibus corruperat, culpam condonaret, palam interminata, sicubi illum nancisceretur, vel in fratris comitatu, fore, et extremo supplicio eum affici juberet.*